

以方便故為諸眾生宣說涅槃亦知眾生無有名字以方便故宣說名字以慧力故知過去未來說於生滅雖復了知無有身心以方便故說於身心雖知諸法不可宣說為眾生故方便而說雖知無施及以受者以方便故說說施說受雖知諸法本性清淨以方便故說

有禁戒雖知諸法本無瞋性以方便故修習忍辱雖知無修無有遠離以方便故勤修精進雖知諸法本性寂靜以方便故修行禪定雖知無有生死涅槃以方便故修習智慧雖知諸法本性自滅以方便故說於涅槃即是般若夫般若者無聲名字不可宣說不可見

國一

其六

聞無心意識不取不捨非我所非有處所形質規矩不高不下非色非見非對非作非覺非想無有住處非去來現在非色聲香味觸法非明非闇非是虛空非內非外非作非有非肥非瘦非增非減本性清淨非貪非癡亦非狂亂無有邊際不可稱量是名般若波羅蜜

不可宣說說是法時魔王波旬於繫得脫心生歡喜即作是言如我今聞不可說法而得解脫若有善男子善女人聞是法者亦當知我於顛倒中而得解脫一切眾魔不得其便今時會中乃二千眾生發阿耨多羅三藐三菩提心是時阿難白佛言世尊如是正法名字何等云何奉持佛告阿難

是經名為方等大集亦復名為不可說法亦復名入一切佛法斷一切佛所有名字若有人能頂戴受持如是等法即能獲得阿耨多羅三藐三菩提今時空中多設伎樂香華供養不可說菩薩是時三千大千世界六種震動大方等大集經卷第十八 其六 國三

大方等大集經卷第十九

國四

北涼天竺三藏曇無讖於姑臧譯

寶幢分初魔苦品第一

今時世尊故在欲色二界中間大寶坊中與諸眷屬圍遶說法告大眾言我昔初得阿耨多羅三藐三菩提時住王舍城迦蘭陀長者

竹林亦時城中有二智人一名優波提舍二名拘律陀具足成就十八種術五百弟子常相隨逐是時二人各相謂言若有先得甘露味者要當相惠時有比丘名曰馬星於其晨朝從禪定起入王舍城次第乞食優波提舍中路遙見馬星比丘即作是念我父住是王舍城中初未曾見若人沙門婆羅門等威儀庠序如此人者我當往問所事何師從誰受法時優波提舍即往趣彼馬星比丘作如是言比丘汝師是誰從誰受法馬星答言善男子有釋迦牟尼如來大士勝諸出家無上之尊已度生死獲得解脫能度一切無量衆生名之爲佛能悟衆生善作諸行能乾苦河具足成就如是等法即是我師我從受法優波提舍言汝師常說何等法義善男子汝今諦聽我當爲汝分別解說法從緣生通達是因緣滅故即是寂靜世間即苦苦因名集若修八正世間集滅若無苦集我師說言名爲

涅槃善男子我師唯說如是等法優波提舍聞是語已得法眼淨各須陀洹即說偈言
我聞比丘說四諦 即得過於三惡道
昔來未聞今得聞 昔所未得今已得
我今已過三惡趣 真實了知道非道
我今誠心歸依佛 以能宣說是法故

說是偈已復語比丘如是世尊今住何處馬星答言世尊今在王舍大城迦蘭陀長者竹林之中與迦葉等千比丘俱菩薩十千汝可往彼優波提舍言比丘我今先當還問同學及我徒衆時優波提舍敬意禮拜馬星比丘右遶三匝還所住處拘律陀梵志遙見優波

提舍即便問言優波提舍汝今諸根清淨悅豫顏色光澤將非獲得甘露味耶善男子我已得矣諦聽諦聽當爲汝說法從緣生通達是因緣滅故即是寂靜世間即苦苦因名集若修八正世間集滅若無苦集我師說言名爲涅槃拘律陀言善男子如是之言能盡
國集十九

諸苦即是梵行能斷邪見一切因緣亦說一切有爲皆空善男子唯願更說優波提舍復如本說說已即得須陀洹果拘律陀言如是之言能過四流度於生死通達五陰永滅煩惱是甘露味我今已得不宜住此善男子如是師者住在何處優波提舍言我聞住在王

舍大城迦蘭陀竹林今時優波提舍及拘律陀告諸弟子此間今有釋迦如來我已諮受其所說法汝等今者欲何所趣今時魔王告諸天衆鷲伽摩伽陀國有二大人智慧最勝一名優波提舍二名拘律陀今欲爲彼瞿曇弟子若此二人從彼瞿曇沙門受法我境則

空我今欲往轉彼二人出家之心今時魔王即化其身作馬星像至優波提舍拘律陀所而作是言善男子我先所說試汝智耳汝既無答釋迦如來真實不作如是之言如來常說無善業果無惡業果若能親近五欲樂者是人即得甘露法味又言無有今世後世是

故無業若無業者誰作誰受既無種子云何得果釋迦如來唯作是說今時優波提舍與拘律陀各相謂言如是語者即是魔說非如來語又非馬星比丘所說魔知是已即便滅去今時二人復告弟子摩納汝常諦觀生老病死世無免者我今已能永滅諸苦汝等今

國集十九

二

日欲何志求今時魔王復更化作馬星形像而作是言誰能破壞生老病死辟如有人說言我能壞彼虛空無有是處若言能壞生老病死亦復如是時拘律陀語魔王言我欲通達清淨之法遠離諸苦一切出家皆悉無有解脫如是煩惱苦者是故我今欲詣如來魔王如野狐鳴而云師子吼色雖相似實非師子魔王汝今雖作比丘形像汝之所說非比丘說夫比丘者破諸煩惱破煩惱語即是清淨言無善惡非比丘語時虛空中一切諸天各各讚言善哉善哉善男子一切出家佛道最勝夫佛道者即是涅槃汝今不受魔之所

說善哉善哉。今時魔王受大苦惱，即便隱滅。時諸弟子白二師言：如師今受瞿曇沙門無上正法，我等亦當往啓受時。二大師與五百弟子前後圍遶，往迦蘭陀長者竹林。今時魔王復於其路，化作火坑，深五百由旬，欲令諸人不得詣佛。如來知已，即以神通令彼二

人所見平坦，無有坑嶮。魔復於前，化作大山，高廣千里。如來神力令其不見。時魔復遣百千師子，遮其道路。時諸師子見優波提舍及拘律陀五百弟子善心，即生默然。潛伏二人，即得前至佛所，到已，頭面禮敬佛足，却住一面。而白佛言：世尊，唯願如來聽我出家。我欲

修佛清淨梵行。佛言：善來諸善男子，恣意修習清淨梵行，作是言已，具比丘戒。今時魔王見是二人得出家已，即便化作自在天像，向於佛所而說偈言：

世間若有智慧人，具足成就世方便。
悉來禮敬供養我，我亦為彼說淨道。

瞿曇若欲度生死，今當誠心見歸依。
我今所說清淨道，如先佛說無有異。

我時以偈答魔王言：

我真實知八正道，能永遠離破諸苦。

汝等真實不能知，無以孤身師子吼。

今時魔王隱自在天像，復現梵像而說偈言：

真實遠離諸煩惱，能過三千大千界。

莫為眾生受諸苦，應當默然受禪樂。

世間乃至無一人，堪任盛受甘露味。

我今憐愍故告汝，應當速入於涅槃。

我時以偈復答魔王言：

我見世間多眾生，能度生死大嶮河。

如是上中下品類，先得度已我乃滅。

今時魔王受大憂惱，入於苦宅，還其所止。其

諸眷屬各作是言：我王何故受是大苦？雖作

是語，無能知者。時魔妹女其數五百，身佩瓔

珞莊嚴，飾好為魔波旬作諸伎樂歌舞嬉戲，

以相娛樂。波旬以手而遮止之。妹女於是默

然而住從二至七魔亦如是遮止至七時有一女名曰電光語波旬言大王何故如是愁惱如失天位火災起耶將無有怨不能壞乎波旬荅言我有大怨謂釋種子是大惡人成就幻術若不治者我界則空諸姝女言彼釋種子以何莊嚴有何道力誰為伴黨能空王

界魔王荅言彼人以戒施忍莊嚴無常苦空以為器甲若壞衆生諸有受生我莫能知其所住處具足無上大神通力大慈大悲而為伴黨能度一切三有衆生是故能令我界空虛時諸姝女聞佛功德賁持香華及諸伎樂來至佛所盡心供養是大衆中唯佛見之其

目集五

五

餘衆生悉無覩者尔時大衆咸有疑心即白佛言世尊如是香華伎樂供養將非舍利弗目軋連等力所作耶佛言不也此是波旬五百姝女供養之具魔王不久當來至此時諸姝女聞佛語已心生歡喜即得不失菩提心定尔時姝女長跪合掌而說偈言

如來永斷諸煩惱 能施衆生淨法眼
令衆生度生死河 是故至心讚歎禮
一切人天讚供養 具足無量無邊智
願佛為我開方便 令我得脫於女身
世尊修大空三昧 了了通達第一諦
具足法寶大商主 願壞魔力調我等

尔時姝女說偈讚已即還魔所而說偈言王之自在非常我亦未離生老病死衆苦煩惱繞王身常行癡闇處惡道若欲度生老死河當生信心諸如來我今欲還至佛所諮受甘露斷諸味尔時波旬生大惡心欲以五繫繫諸姝女佛

神力故而不能繫時諸姝女即還佛所波旬眼見不能遮止復於空中作毗嵐風欲令諸女處處散滅不見於佛以佛力故不能令壞尔時魔王啼哭懊惱以大音聲告其妻子我今喪失大神通力有一毒樹今出於世為諸衆生說於漸滅成就大幻有巧方便魔諸眷

屬聞是語已悉來聚集至魔王所大王何故
 生大愁苦既無退相又無火災欲界之中亦
 無怨敵魔王言子汝今不見世有一人坐菩
 提樹壞四兵衆猶如猛火焚燒乾草世間所
 有一切智人今已歸屬如此即是我之怨敵
 汝今不見五百姪女捨我而去歸依彼耶汝

等若不治彼釋子如此三千大千世界不久
 當空汝等各當牢自莊嚴咸共盡力除彼釋
 子魔子言曰善哉大王我當莊嚴盡其神力
 若我能除善哉快矣如其不能復當歸依魔
 王復曰惡人汝今云何發如是言大王瞿曇
 沙門往獨一已坐菩提樹猶難沮壞況今眷

目集十九

六

屬無量般多而可除滅魔王言愛子若能殺
 彼瞿曇沙門甚善甚善如其不能自守土境
 介時四兵其數無量滿閻浮提高八十由延
 放大惡風降注大雨手拍須彌動四天下出
 大惡聲如大龍王夜叉諸鬼震動一切河池
 泉源一切龍鬼神天之等咸皆怖畏心驚毛

豎時彼魔衆於須彌山取一大石欲令覆蓋
 王舍大城迦蘭陀林諸善男子我於介時即
 入破魔力勢三昧魔子介時所兩刀稍箭石
 火毒以我力故皆悉變為優鉢羅華鉢頭摩
 華拘勿頭華分陀利華墮王舍城復雨種種
 微妙好香變是惡聲作如來聲法聲僧聲神

通之聲波羅蜜聲不退轉聲菩薩之聲破四
 魔聲涅槃音聲壞其惡風令無遺餘其土所
 有一切草木悉皆變為微妙七寶我身介時
 高至初禪三十二相八十種好放大光明悉
 照三千大千世界其中所有一切天人諸龍
 夜叉阿脩羅迦樓羅緊那羅摩睺羅伽人非

人等地獄畜生餓鬼等類皆見我身無量諸
 天大設供養華香幡蓋伎樂之屬三惡衆生
 稱南無佛即得解脫受人天身介時魔衆見
 佛示現如是神力皆生信心生信心已即說
 偈言

我今歸依於如來 淨身口意無上智

目集十九

七

能示魔界八正道
具足大力無能勝
其心平等如虛空
煩惱不汗修慈悲
能施眾生真解脫
大慈大悲天中天

施闇眾生大光明
等視一切如子想
故我稽首大商主
獲得吉祥示因果
是故我今稽首禮
最勝無上之世尊

說一切法如水月
眾生遇重煩惱病
三惡眾生貧七財
唯願哀愍聽我懺
佛是眾生慈父母
我能請召諸眾生

我今敬禮大幻師
是故歸依大醫王
今當歸依離諸漏
於佛所生諸惡心
我今棄捨諸魔業
為其發起菩提心

願為我說無上道
我今獻奉妙香華
親近善友善思惟
爾時五百姝女及魔眷屬以妙香花幡蓋伎
樂供養於我此供養具遍至無量恒河沙等
諸佛世界一時供養無量諸佛一切魔眾悉

具足何等得菩提
為眾生故供養佛
至心聽受如法住

皆親見一切諸佛形色脩短方圓之相等無
有異唯師子座世界樹林所居舍宅差別不
同魔眾見已各心歡喜坐於佛邊至心聽法
聽受法已還波旬所啓白魔言我等往至彼
瞿曇所盡其神力乃至不能令一毛動大王
當知我今已屬瞿曇沙門爾時波旬心惡生

瞋即作是念我當云何殺彼釋子除滅此怨
爾時波旬及其眷屬心生憂惱入於苦宅

大方等大集經寶幢分中往古品第二

爾時魔眾復還我所而自我言世尊我欲大
乘念於大乘欲具神通大慈大悲世尊菩薩
摩訶薩具足幾法不近惡友速得成就阿耨

多羅三藐三菩提善男子菩薩摩訶薩具足
四法不近惡友速得成就阿耨多羅三藐三
菩提何等為四一者若有菩薩不貪諸法不
捨諸法不受諸法不覺諸法亦無有我及以
我所想行於布施不求果報不生貪着不捨
不取亦無覺知我我所想乃至涅槃亦復如是

四集十九

八

二者若有菩薩不見衆生壽命士夫亦復不捨於衆生界不貪不取亦無覺知我我所想三者若有菩薩不見色聲香味觸法不捨色聲香味觸法不捨不取亦無覺知我我所想四者若有菩薩能深觀察如是等法於佛正智不生覺觀何以故斷一切行斷一切智名

爲佛智無有無乘無聲無想無字無有無量無生無出無滅無想無礙無障無見寂靜無我無命無名無明無闇無處無界無根無翅無有思惟無食無貪無淨無垢無塵無節無邊無數無行無愛無業無宅無取無作無可顯示無念念滅即是佛智猶如虛空如空無

覺不可宣說無有染著無有覺知善男子菩薩具足如是等法不親惡友速得成就阿耨多羅三藐三菩提善男子若有能求如是智慧當知是人能觀二法所謂眼色乃至意法復有二法生死涅槃復有二法一生二有復有二法一常二斷復有二法衆生壽命復有

二法一此二彼復有二法一內二外諸善男子若有欲求如是佛智離是二法觀異法者當知是人則不能得善男子辟如有人求火取冰求水取火求食取石求華取鐵求香取屍求衣取木求於塗香而取虛空求佛智者若離是二更觀異法亦復如是是時寶坊大

同集第十九

九

會之中有一菩薩名曰地意聞是語已白佛言世尊不可說義可覺知不若不可覺云何得名一切智耶善男子不可說智即一切智善男子我今問汝隨汝意答於意云何我得如來一切智時有所得不地意菩薩即便思惟我若說有即是常見如其說無即是斷見

我等當遠離如是二邊說於中道思惟是已白佛言世尊如是義者亦有亦無世尊若不滅無數無量非明非闇即是佛智電意菩薩言世尊若無去來即是佛智善見菩薩言世尊無得無離無證無修即是佛智無盡意菩薩言世尊若法不爲三世所攝不墮三界

非是三結三智三乘陰入界等無有增減即是佛智金剛意菩薩言世尊若分別凡法聖法學無學法聲聞緣覺及以佛法即是佛智堅意菩薩言世尊如法無轉即是佛智寶手菩薩言世尊若觀諸法生壞之相觀已通達知無得失即是佛智善覺意菩薩言世尊

三界衆生從意觀意亦不覺意即是佛智分別怨親菩薩言世尊若有人能不樂煩惱不厭煩惱不愛不瞋不捨不求不施不念即是佛智蓮華子菩薩言世尊不樂罪福得深法忍不覺不知我及我所若不覺知我我所者即是佛智月光童子菩薩言世尊若能觀察

一切諸法猶如水月亦不見法有增有減即是佛智無邊意童子菩薩言世尊若於諸法不見明闇於一切心不見生滅即是佛智弥勒菩薩言世尊若能觀察四種梵行及不善行平等無二即是佛智無盡意菩薩言世尊若觀三世六波羅蜜二相無差即是佛智文

殊師利童子菩薩言世尊若於諸法心無貪瞋亦觀諸法甚深境界亦不了知非不了知亦不觀法有增有減不觀智慧及以無明即是佛智尔時衆中有一菩薩名曰樂欲語文殊師利言善男子如來世尊以何因緣說如是等甚深之義文殊師利言善男子爲令衆

目集十九

十

生遠離邪見得正見故得正見已不生染着無有慳悋不近惡友正命自活不着三結憐愍衆生不着三寶不誑一切於諸衆生不捨不着不着財物不着三界衆生怖畏能爲救護能壞惡道開示正路不着忍辱離一切想滅一切垢除一切闇不求果報善男子以是

因緣求一切智得是智已於聲聞字句不生覺觀佛語邪語佛行餘行佛法餘法陰界諸業之與果世智佛智於如是法不生分別是故如來說如是等甚深之義樂欲菩薩言善哉善哉文殊師利實如所言甚深義者即是

佛智何以故無所覺故若無所覺故不可說不可說者即是佛智若有能知是不可說當知是人即得佛智佛言善哉善哉善男子善能分別宣說佛智何以故不着諸法不生不滅即是佛智善男子不着諸法即不出邊不破壞邊無明涅槃真無出邊虛空涅槃一切

諸法一切衆生不可說邊是虛空邊無罣礙邊無有物邊無有陰邊三行空邊法陰業陰果非果陰聚陰無物無物邊虛空邊一切諸法不可說邊菩薩摩訶薩若能具足如是等邊即得佛智說是佛智不可說時一切魔衆得無生法忍捨於麤身獲得細身隨心意身

目 六十九

十一

法化之身復有二萬八千衆生於諸法中得無生忍九萬二千菩薩得無量陀羅尼一切衆魔以妙香華伎樂供養讚頌如來作如是言世尊善知識者即是一切善法根本我今遇佛善知識故得大利益佛言善男子汝當至心觀於諸業尔時世尊即為衆會說過去

業善男子過去無量阿僧祇劫劫名電持時世衆生壽命滿足六萬八千世界名曰妙香光明是中有佛号香功德如來應正遍知明行足善逝世間解無上士調御丈夫天人師佛世尊尔時彼世具足五洋有轉輪王名曰華目王四天下與諸眷屬大臣人民至於佛所以妙香華幡蓋伎樂供養於佛及比丘僧敬意禮拜右遶三匝以偈讚佛

佛為人天所讚歎 遠離諸惡樂寂靜
具足七財破貧窮 云何令衆得深智
修習三種解脫門 已得離生老病死
能度三惡道衆生 云何令衆過魔業

佛言大王具足三法得甚深智何等為三一者至心緣念一切衆生二者修習大悲破衆生苦三者見一切法無有衆生壽命士夫不生分別又有三法能過魔業一者於諸衆生不生惡心二者修行施時不觀福田及非福田三者觀一切法平等無二猶如虛空不生

不滅無行無物無有相貌不可宣說菩薩具足如是等法得甚深智能過魔業尔時聖王有一夫人名曰善見與八萬四千諸姝女俱共供養佛既供養已即說偈言

大千世界無勝者 常樂寂靜修子想
善行遠離諸塵垢 云何令我離女身

已得遠離一切怨 真實見生老病死

唯願為我演說道 令我具足男子身

離諸有得無上有 能施歡喜增善法

具足十力四無畏 云何令我離女身

摧滅四魔修四梵 實語具足巧方便

三十二相八十好 云何令我離女身

目集卷九

十二

佛言善女人有巧方便得離女身能壞女業乃至得阿耨多羅三藐三菩提終不復受女人之身除其誓願巧方便者所謂寶幢陀羅尼門若有能修是陀羅尼得離女身淨身口意遠離三障若有聞是陀羅尼名即離女身受男子身得具足身微妙智慧淨身口意樂

於善行具足多聞遠離惡業及受苦報能滅五逆無間重罪何以故如是寶幢陀羅尼者即是過去無量諸佛之所演說為破惡業增長善法故十方現在無量諸佛亦共說之為破惡業增善法故未來之世十方諸佛亦共說之為破惡業增善法故我今現在亦復宣

說如是寶幢陀羅尼門十方現在無量諸佛悉共讚歎是陀羅尼善女人若刹利王所領國土若有如是陀羅尼名讚歎受持讀誦書寫其王則為十方現在諸佛世尊護念讚歎乃至阿迦尼吒諸天亦復護念而讚歎之是王行住坐卧之處亦有無量天龍夜叉悉共護念令其國土和安無諍無有疫病兵革不起無惡風雨不寒不熱穀米豐熟諸惡鬼神及惡禽獸悉懷善心不生惡想隨是經典所住國土其土若有惡星不祥惡相惡病皆悉除滅若刹利王與兵攻伐專念是經能伏強敵令已得勝二王俱念則二兵和同不相侵

國大九

十三

害若有國土城邑村落人若畜生有疫病者
 當寫是持安着幢頭其土不祥疾疫皆悉除
 滅若有法師持戒精進月十五日淨自洗浴
 以妙香華供養三寶昇師子座讚陀羅尼是
 人能護所住國土所有惡相尋即消滅亦能
 調伏教化衆生得阿耨多羅三藐三菩提善
 女人若有人能讀誦此經乃至一偈如是之
 人終不復更受女人身亦得不退菩提之心
 尔時香功德佛說是陀羅尼已足指案地即
 時大地六種震動乃至十方亦復如是其中
 所有天龍夜叉以佛如來功德力故心生歡
 喜亦見亦聞說陀羅尼尔時如來說寶幢陀

羅尼曰

南無婆伽婆帝樹帝三藐 伽陀婆娑失利
 頭多陀伽多也 那摩舍迦牟那頭 多他
 伽多也 哆陀伽多也 哆陀也 他闍落
 翅 闍落翅目翅 闍隸 闍羅闍憐泥
 闍羅跋賴帝 闍醯隸波羅 富婁沙 三

摩奢 阿摩弥 沆摩弥 摩訶弥 闍摩
 弥 婆羅弥 婆娑毗 娑婆毗 娑婆毗
 婆闍毗 婆羅訶 婆隸徒 闍訶弥 婆
 羅訶 婆疑徒 阿羅闍醯 闍闕月呿
 婆沛羅 婆沛羅私陀 跋賴坻 檀帝隸
 檀帝羅 檀帝隸 修隸毗訶伽 旃陀毗
 訶伽 旃陀毗訶伽 折啾 樹提沙毗訶
 伽 薩婆叉囊 帝多凡修羅毗訶迦 闍
 羅闍羅迦著弥隸訶 著弥隸訶 著弥隸
 訶 著弥隸訶 著弥隸訶 著弥隸訶
 毗婆車 陀羯 摩豆寧 豆寧 豆寧
 温摩 涅毗婆車提 闍那吃栗多 阿訥
 婆陀隸 奴騫嶮隸 多嶮隸毗婆嶮隸究
 羅訶 因陀婆隸 婆訶那毗婆車陀羯婆
 遮婆坻 遮婆坻 遮婆坻 呵暮阿陀舍
 尼 婆隸跋坻 婆師叉摩羯摩樹坻 羯
 闍醯 闍醯樹坻 膩迦毗羅娑 毗羅娑
 毗羅娑 毗羅娑 毗賴闍 毗賴闍 劫

卅九

卅

婆摩訶劫娑 醯利嘻隸 嘻隸阿那婆坻
曇摩檀那閣那 阿婆羅彌隸絕 阿羅軍
陀 波食毗婆坻那帝隸婆尼 羯摩又囊
婆羅咄頗婆 富婁沙多凡 阿三摩 三
摩 三摩 毗坻若多陀 阿竭陀 莎呵
尔時世尊即為大衆說陀羅尼五百姝女聞

已即得男子之身復有無量人天諸女亦受
男子身及得不退菩提之心永斷一切決定
女業善男子尔時夫人聞是持已所將八万
四千女人亦轉女身得男子身復有無量人
天婦女亦轉女身得男子身尔時聖王以四
天下委付千子與無量人出家修道尔時復
有無量諸天各作是念轉輪聖王以何因緣
捨國出家復相謂言此界如來演說妙法以
法力故女轉為男有人捨家能施袈裟為諸
白衣說人天樂壞三惡苦滅一切有摧諸魔
業令魔受苦魔既受苦不樂聽法大幻師者
謂香功德沙門是也復有說言當知沙門即

是魔也何以故能轉女身得男子身時有大
臣名曰善行作如是言我諸婦女悉為男子
汝等無量妻妾諸女亦捨本形受男子身剃
除鬚髮被着袈裟咸皆歸向屬彼沙門唯我
一已獨住不往我等當捨是國土去求不見
聞是大惡人尔時諸人聞是語已唱言善哉
因集卷五 十五

我今若欲不見不聞遠離如是惡沙門者當
入深山尔時諸人既入山已捨家修習婆羅
門法作如是言無有解脫無善惡果此世今
有一沙門出宣說斷見說於魔業欺誑衆生
是大幻師若人往見聽其所說親近禮拜供
養恭敬心即狂亂無所曉知別除鬚髮被着
袈裟捨家所有受乞食制住於冢間受一食
法於生死中生厭離想不樂受於五欲之樂
及諸香花瓔珞伎樂不樂宣說世間之事具
足如是諸不善法說斷斷見行於魔業是諸
衆生之大怨讎教化無量無邊衆生令生斷
見若不見聞得大利益時華目比丘聞無量

人生大邪見即作是念我若不能調伏如是邪見衆生云何當得阿耨多羅三藐三菩提時華目比丘即便往請香功德佛與無量比丘僧周遍國土城邑聚落處處說法所謂遠離惡法修進善法或說大乘或緣覺乘及聲聞乘或沙門果或比丘戒或優婆塞戒或說

三歸或復演說轉女身法或說寶幢陀羅尼門或說十善說是法時破除無量衆生疑網生於善心發於阿耨多羅三藐三菩提心令無量衆生來至佛所唯除一人善行大目向彼華目發惡誓願汝若未來成無上道我當於汝成佛國土而作惡魔詣菩提樹作大恐

怖若成佛已當壞汝法若我於汝生信心者汝便當與我受記前諸善男子今時比丘即我身是夫人善見即弥勒是善行大目魔波旬是波旬汝於今時發是誓願若於我所生信心者當與受記是故我今稱汝本願與受阿耨多羅三藐三菩提記波旬汝於往昔香

功德所禮拜供養以是善根我今與汝授菩提記說是法時五百婁女得男子身無量衆生以二乘法而得調伏

大方等大集經卷第十九 十六未國四

大方等大集經卷第二十 國五

北涼大竺三藏曇無讖於姑威譯

寶幢分中魔調伏品第三

今時世界百億魔王悉來集聚至波旬所波旬語諸魔王言諸善男子汝等知不有釋種子出現於世作大幻術六年苦行趣菩提樹

南山飛

我於今時將領三萬六千億衆至於彼所然我盡力乃至不能動金剛座今時瞿曇於菩提樹成就幻術以幻力故今此三千大千世界六種震動使我眷屬顛倒墮落如樹拔根當今之時釋子成就無相幻術以幻力故十方智人悉皆歸屬推求瞿曇所度衆生心相